

443

632

牛痘新書

煥雲藏本



赤子命根
傳家至寶

光緒十三年重刊

牛痘新書

板存允文堂



重刻牛痘新書序

牛痘一書南海邱浩川先生所著方備法詳毋庸贅序
大江以南傳種甚廣或謂牛痘平平無奇不若鼻苗之
雷霆發洩因而疑信參半舍易趨難孩提災厄往往不
免豈知天地具好生之德父母存愛子之心不於平中
求平必於險中冒險何其愚也金陵初復查君祥考設
局施種因是書舊本無存囑余重刊余三子四女均種
牛痘不忌風寒不飲葯餌旬日告成功十餘年來並未
再發一家驗推之天下無不驗也因是請而亟付手民
廣勸世之爲人父母者

同治四年孟夏南城黃家駒冠北甫識於金陵善後總局



重刻牛痘新書序

古書無痘字。豆卽豆瘡之譌。外臺祕要。巢氏病源論。千金方。本草綱目。載瘡名。或曰豌豆。或曰麻豆。或曰班豆。麴豆。皆其形相類也。其症之源。始於胎毒。感時氣而發。世謂之天行。不待天行之時。而以痘痂塞鼻中。引其胎毒。使早發。以解散之。而致不爲大害。世謂之種痘。謂之鼻苗。又謂之放花。曰種曰苗曰花。仍與豆字之義相生也。天行始於東漢。種苗昉自宋代。意欲竊造化之機。以爲保赤之術。然亦往往有險症。以其術之猶未得其精要也。嘉慶初年。復傳牛痘方。其法備著於南海邱浩川。

先生牛痘新書。活人最廣。涇縣查君吉人。最善其技。宦游所在。設局佈種。傳法門徒。百不失一。蓋天下之患。待其蓄積既久而後發焉。不如乘其未發而引動之。使早發而早治之。之爲愈也。乘其未發而引動之。使早發。又不如得其關要之處。而宣導之。使順其自然。行所無事。之爲愈也。予權守江甯。請於爵相湘鄉公。屬查君開局施方。以濟嬰兒。黃冠北觀察重刊是書。查君乞爲序。予深喜牛痘之方。實勝於鼻苗之法。又懼時人之不能盡信也。因爲是說以解之。讀是書者。使皆求精其術。而篤信不疑。則仁其可勝用乎。

同治四年六月六安涂宗瀛謹識



重刊引種牛痘方書序

予自髫齡失怙。賴家慈。太恭人撫養成立。每命讀書。立志以外。當以濟人利物爲懷。予自凜承慈訓。晝夜思維。自顧一介寒士。恨無力推廣救濟之心。中懷歉仄。寢食增慙。迨弱冠後。得於蕪湖黃佐田宮保家。從子穎夫子。習種牛痘。竊以痘症爲童年最大關隘。雖有益方保護。而值殄癘天行。家傳戶染。天殤居多。卽有神痘塞鼻之法。猶難保其無失。惟牛痘功奇效捷。萬種萬全。誠仁術也。因殫精竭慮。求其奧妙。始自蕪湖清淮徐宿施種。以其吳門昆陵俱職餘暇。所在設局廣行。卽良辰

令序未敢稍懈。至江北裏下河並海沐地方亦囑門下
士設局佈種。及壬戌癸亥兩歲署篆清河境處衝繁。雖
未躬親施種。仍於城鄉分設四局。令從學者長年佈種。
嬰兒獲益良多。計自前後經予手於大江南北所設之
局所種之嬰何止億萬人乎。其至善至良之法不但前
人救世苦心詳叙無遺。予實手奏奇功。絲毫不爽。今正
由淮赴金陵供職。因思省城南經收復。無告赤子必多。
別用玻璃夾板帶有乾漿。意欲請示施種。當蒙
府憲涂閩仙太守先因普育堂嬰孩有出天行痘者。意
防傳染。大生惻隱。令予盡行施種。事竣後予請推廣以

遂誠求保赤之心。隨蒙稟明。


爵閣督憲。暨各當道。出示招徠。稟定章程。無論貴賤貧富。均霑益惠。凡襁負就種。挾所願而來者。無不愜所願而去。今

局憲黃冠北觀察。情殷保赤。翻刻是書。廣爲傳播。不啻慈航普渡。惟望育子之家。深信不疑。切勿聽信庸醫。再出之語。以自悞。切勿因微蘗之疑。以姑息。切勿以流年不利。以因循。實令自身。骨月得登仁壽之域。豈不美哉。豈不快哉。匪特副今日。各大憲救濟之婆心。抑慰子家慈。太恭人命子救濟之始願云爾。

小兒有大小長短不等
 即取中光中指中節
 兩橫紋距離為一寸
 用細竹片折取量之
 則取穴不爽累黍矣

同治四年四月立夏前五日涇上查祥考吉人謹識於
 金陵百花巷涇縣會館

同身取寸法



煥雲補圖




今之種痘兩臂各種四
 顆者惟恐取穴不準
 致痘毒未能出盡或
 遺後患故多種四顆
 雖不中穴總在三焦經
 脉所過之地未有不引
 之外達者醫心之虛
 亦種法之善也

煥雲註

牛痘圖說

種牛痘穴分圖

消燂穴去肩頭四寸
 清冷淵穴在肘上二寸



消燂穴。肩下臂外間腋斜肘分下。清冷淵穴在肘上二寸。此圖按銅人尺寸。孩兒大小不等。宜詳細類推。

謹遵

御纂醫宗金鑑銅人圖三焦經在嬰兒肘臂按穴度苗名曰牛


痘不論寒暑四季下苗牛痘已出天花永免此法由廣

東行至


京師刊書傳世各省設局依法刺種

再書內載刺種約寬二分按銅人圖如針挑痧之痕閱者慎勿誤會

種痘刀式



執刀式



刀以純鋼爲之其形如劍
合工匠造成樣子再磨到
極薄極利外用玳瑁壳或
明角作匣兩面夾起約長
寸餘寬三分餘末須薄

取痘
漿寄
遠處
象牙
小簪
式

此象牙
小簪約
長寸餘
兩頭如
劍鋒薄
而尖利

用西洋玻璃細管法

先用刀在漿足之痘邊挑破。少待。其漿綻出如珠。即將玻璃管一頭口內含熱。將不熱一頭向如珠處。其漿即入管內。俟裝滿後。兩頭向微火一燒。即封口。用時摘去兩頭。吹出其漿。即可用。據云。此管中之漿。即四十日。亦尚未乾。可用。實藏漿之妙法。每百根計價銀貳元。裝法。須平時用水試過。如何方能裝入。如何方能裝滿。如何方能封口。爲妥。否則用玻璃一樣兩塊漿藏其中。亦可。以上二法。寄遠處尤妙。

牛痘之原來

牛痘新書濟世

南海邱 煒浩川原本 丹徒古 風穆如

丹徒王惇甫新吾增補 丹徒程培業小山

全校

刺種牛痘說

痘何以曰牛也。痘之種自牛來也。海外向無痘症。後由他處傳染。患亦滋多。惟畜牛取漿。刺種之家。獨不沾染。醫士欲窮其故。見牛乳旁有青藍小疱。形與痘類。因悟牛之出痘必輕。以之種嬰。必然無害。於是按古針刺法。取牛痘之漿。種嬰兩臂消爍。清冷淵二穴。旬日果於所刺之處。隨出數顆。按日灌水。按日滿漿。按日結痂。落靨。

無一損傷。無一復出。蓋牛土畜也。人之脾屬土。以土引土。同氣相感。同類相生。故能取效若此。痘自牛身而來。故曰牛痘也。

痘爲小兒一大病。當天行時。人人尙思遠避。今爲嬰兒刺種。無故與之以病可乎。曰非也。譬之捕盜。乘其羽翼未成就而擒之。譬之去莠。及其滋蔓未延。芟而除之。甚易矣。嘗恭讀

御纂醫宗金鑑云。

正痘感於得病之後。而種痘則施於未病之先。正痘治於成病之時。而種痘則調於無病之日。旣無諸症夾雜於其中。復有善方引導於其外。刺種牛痘之